

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1. लेफ्टिनेंट गवर्नर मनोज सिन्हा होरें जम्मू युनिवर्सिटी च विकसित भारत-युवा कनेक्ट कार्यक्रम गी संबोधित कीता। उंनैं आखेआ जे 21मीं सदी भारत दी सदी ऐ ते एह गल्ल पत्थर दी लकीर ऐ।
2. लेफ्टिनेंट गवर्नर मनोज सिन्हा होरें औंदी 28 सितम्बर थमां मनाए जाने आहले बसोहली उत्सव लेई इश्तेहारी ब्रोशन ते टीज़र जारी कीता जेहड़ा बसोहली दी अनोखी सांस्कृति ते कलाएं सरबंधी विरासत दा जशन मनाग।
3. केन्द्री मंत्री डाक्टर जीतेन्द्र सिंह होरें ऐलान कीता ऐ जे उधमपुर ब्हाई अड्डे सरबंधी प्रस्तास गी द'उं चरणें च लागू कीता जाहग ते एह इलाकाई संपर्क दे कन्नो-कन्नी सुरक्षा गी बी बढ़ावा देग।
4. किशतवाड़ दे अकांक्षी ब्लाक मड़वाह गी बड़ी मती प्रतिशठा आहले नीति आयोग अवार्ड लेई चुनेआ गेआ ऐ। अज्ज इस सरबंधै च चौगान मैदान च समारोह आयोजित कीता जाहग।
5. भारत ते इंग्लैंड बश्कारी जारी 5मां ते अखीरला टेस्ट मैच, बड़े रोमांचक मोड़ पर आई पुज्जे दा ऐ। इंग्लैंड गी जित लेई 35 रन्ज जदके भारत गी जित लेई छड़ी 4 विकटां लोड़चदिआं न।

LG-Viksit Bharat

लेफ्टिनेंट गवर्नर मनोज सिन्हा होंरें आखेआ ऐ जे 21मीं सदी, भारत दी सदी ऐ ते एह गल्ल पत्थर दी लकीर ऐ। उंनं आखेआ ऐ जे भारत, इक विश्व शक्ति दे रूप च अपनी स्थिति परतियै हासल करने लेई तेजिआ कन्ने अगड़ा बधा करदा ऐ ते साढ़ी युवा पीढ़ी इस जातरा च बड़ा बड़डा जोगदान देग। एलजी होंरें एह गल्ल जम्मू युनिवर्सिटी दे विकसित भारत - युवा कनेक्ट प्रोग्राम दे समापन समारोह गी संबोधित करदे होई आखी। भारत गी 2047 तगर इक विकसित राष्ट्र बनाने दे नजरिये तैहत युवाएं दे शक्तिकरण पर चेचा जोर दिंदे होई एलजी होंरें नौजवानें गी गुजारिश कीती जे ओह समाजी ते आर्थिक तब्दीलियें दी अगुवाई करने आहले बनन ते विकसित भारत दे लक्ष्य गी हासल करने लेई हर किश बलिदान करने गितै बी तैयार रौहन। इस मौके पर बोलदे होई एलजी मनोज सिन्हा होंरें आखेआ



LG-Basohli Utsav

लेफ्टिनेंट गवर्नर मनोज सिन्हा होंरें औंदी 28 सितम्बर थमां लेइयै 2 अक्टूबर तगर मनाए जाने आहले बसोहली उत्सव 2025 लेई कल राजभवन जम्मू च इशतेहारी ब्रोशर ते टीज़र जारी कीता। एह उत्सव बसोहली दी अनोखी संस्कृति ते कलाएं सरबन्धी विरासत दा जश्न मनाग ते एह रामायण दिएं परंपराएं पर आधारित होग। इस उत्सव दरान लोक कला सरबन्धी नमैशां, राश्ट्री नाच ते गीतें दे मुकाबले ते मुकामी खेड़ों दे आयोजन सने मुकामी कलाकारें गी सम्मानित बी कीता जाहग। एलजी सिन्हा होंरें बसोहली दी पन्छान गी बढ़ावा देने लेई सब्भनं सरबन्धत धड़ें दी सराहना करदे होई मशहूर बसोहली पेंटिंग दा बी जिक्र कीता जिसी 2023 च

जीआई टैग हासल होआ हा। उनें मुख्य भरे दे लोके गी साद्दा दिता जे ओह बसोहली उत्सव च हिस्सा लैने लेई पक्क गै औन।

<><><><><><>

Udh Airport Project

इलाकाई ब्हाई संपर्क गी बड्डे स्तरै पर बढावा देने दी कोशश तैहत केन्द्री मंत्री डाक्टर जीतेन्द्र सिंह होरे एह गल्ल सांझी कीती ऐ जे उधमपुर च ब्हाई अड्डे बनाने सरबन्धी परियोजना दा कम्म तेज रफ्तार कन्ने चला करदा ऐ। भारत दे ब्हाई अड्डे सरबन्धी प्राधिकरण नै उचित थाहै दा पता लाने लेई शोध दा कम्म सबूरा करी लैता ऐ ते इस सरबन्धै च औपचारिक प्रक्रियाएं गी रम्भी दिता गेआ ऐ। इस परियोजनाएं गी द'उं मरहलें च तोढ चाढेआ जाहग। पैहले गेइ तैहत मजूदा ँंचे दे कन्ने गै नागरिक डुआरिएं गी शुरु कीता जाहग ते मगरा दुए गेढ तैहत नमियां स्हूलतां विकसित कीतीआं जाडन। डाक्टर सिंह होरे आखेआ ऐ जे एह ब्हाई अड्डा सुरक्षा दे लेहाज कन्ने बडे सामरिक महत्वै आहला होग ते एहदे कन्नो-कन्नी एह दूर-दरेडे इलाके लेई जातरा दे लेहाज कन्ने बी बडा महत्वपूर्ण साबत होग। केन्द्री मंत्री होरे किशतवाइ दे ब्हाई अड्डे गी उडान योजना दे दायरे हेठ आहनने दी उपलब्धि गी चेता करदे होई आखेआ जे एह गैह प्हाड़ी खितें च संपर्क उपलब्ध करोआने दी मजूदा सरकार दी मजबूत वचनबद्धता गी दर्शादी ऐ।

<><><><><><>

LG-CM Condolences

लेफ्टिनेंट गवर्नर मनोज सिन्हा ते मुखमंत्री ओमर अब्दुल्ला हों उधमपुर दे एसएसपी अमोद अशोक नागपुरे हुं दी बच्ची दा काल होई जाने पर दुख ते बसोस जताया ऐ। एलजी ते मुखमंत्री हों सोगी परोआर प्रति हमदर्दी जतांदे होई एह प्रार्थना कीती ऐ जे परमात्मा, उ'नेंगी एह दुख जरने दी ताकत देऐ। उ'ने दुखै दी इस घड़ी इस परोआर गी हर किस्मै दी मदाद दी पेशकश कीती ऐ। तोआई राई-बाई मंत्री जावेद डार ते मुख सचिव अटल डुल्लु हों बी मंदे भागें आहली इस घटना पर दुख बुज्जदे होई सोगी परोआर दे प्रति हमदर्दी जताई ऐ।

<><><><><><>

Har-Ghar Tiranga

'हर घर तिरंगा' अभियान नै समूलचे जम्मू-कश्मीर च गति फगड़ी लैती दी ऐ की जे इस सरबंधे च इत्थूं दे बक्ख-बक्ख जिलें च देशभक्ति दे समारोहें दी श्रृंखला चला'रदी ऐ। किशतवाड़ दे त्रिगाम च बी ग्रामीण विकास विभाग नै बीडीओ रूपेश शर्मा हुंदे नेतृत्व च जागर्ते दे पलाश बाल संस्थान च इस सरबंधे च इक्क बड्डे उत्सव दा आयोजन कीता। इस समारोह च देशभक्ति दे बक्ख-बक्ख गीत गाए गए, भाशण दिते गए, प्रश्न उत्तर प्रतियोगिता करेआई गेई ते तोहफे बंडडे गए। देशभक्ति उप्पर जोर पांदे होई ते राष्ट्रीय नायकें गी सम्मान दिंदे होई इस कार्यक्रम च अधिकारियें, बच्चें ते मीडिया कर्मियें बी बधी-चढ़ियै हिस्सा लैता। त्रिगाम दे बीडीओ रूपेश शर्मा हों अपने संबोधन च आखेआ जे युवाएं च देशभक्ति दी भावना गी बढ़ावा देनडा बड़ा गै जरूरी ऐ। इस बारै होर गल्ल करदे होई उनें आखेआ।

<><><><><><>

Kishtwar ASP Block

किश्तवाड़ जिले दे ब्लॉक मड़वा गी प्रतिष्ठित नीति आयोग सम्मान लेई चुनेआ गेआ ऐ। सम्मान भेंट करने दा कार्यक्रम अज्ज किश्तवाड़ दे ऐतिहासिक चौगान ग्राउंड च लग्गोग। जनवरी 2023 च नीति आयोग आसेआ शुरू कीते गेदे अकांक्षी ब्लॉक कार्यक्रम दा मकसद मुख्ये दे बक्ख-बक्ख राज्ये ते केंद्र शासित प्रदेशें च ताले गेदे 500 ब्लॉकें च शासन ते मकामी जरूरतें ते लोकें दिएं आसैं-तांगें मूजब उत्थूं दे जीवन स्तरै गी उबड़ा चुक्कना ऐ। एह कार्यक्रम जिनें 5एं प्रमुख विषे पर केंद्रित ऐ उन्दे च सेहत ते खुराक, शिक्षा, राई-बाई ते एहदे नै जुड़े दे दुए क्षेत्र बुनियादी पांचा ते सामाजिक विकास शामिल न। मड़वा गी एह मानता थोना इलाके च होआ'रदी तरक्की ते एहदी छमता दी सारत ऐ। इस सरबंधै च होर जानकारी सांझी करदे होई जिला सूचना अधिकारी कुलदीप कुमा होरें आखेआ।

<><><><><><>

Social-Welfare

समाज कल्याण विभाग जम्मू दे निदेशक गुरपाल सिंह होरें बाल दिक्खभाल संस्थानें दे कम्मकाज दा जायजा लैने आस्तै पुंछ जिले दा दौरा कीता। अपने दौरे दरान उनें उत्थे 'पालश' ते 'परीशा' नांs दे मुख बाल दिक्खभाल संस्थानें दा निरीक्षण कीता ते उत्थे शामिल अमले ते बच्चें कन्नै गल्लबात कीती। उनें इस दौरे दरान उत्थे दित्तियें गेदियें सुविधाएं ते सेवाएं दा बी जायजा लैता तां जे एह सुविधा बाल संरक्षण मानदंडें ते उन्दे कल्याण दे अनुकूल रौहन। गुरपाल सिंह हुंदा एह दौरा समाज कल्याण विभाग दे बाल संस्थानें च बच्चें दी दिक्खभाल,

सुरक्षा ते विकास दी बढोत्तरी च बचनबद्धता गी दर्शादा ऐ। इस बारे गल्ल करदे होई समाज कल्याण विभाग जम्मू दे निदेशक गुरपाल सिंह होरें आखेआ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कल 5 अगस्त गी दपैही साङ्गे 12 बजे त्रिएं मिनटें दी इक बशेश परिचर्चा प्रसारित कीती जाहग जेहड़ी 5 अगस्त 2019 गी जम्मू-कश्मीर थमां दफा 370 ते 35ए हटाने दे बाद पिच्छले 6एं बरें च आई दिएं सकारात्मक तब्दीलिएं उप्पर आधारित होग। इस बशेश कार्यक्रमै च साङ्गे परौहने होडन साबका प्रशासनिक अधिकारी ते मन्ने-परमन्ने दे समाजी कार्यकर्ता श्री के.बी. जंडेयाल ते वरिष्ठ पत्रकार ते प्रेस क्लब जम्मू दे साबका प्रधान श्री अश्विणी कुमार जेहड़े पिच्छले 6एं बरें दरान जम्मू-कश्मीर च आए दे सकारात्मक बदलावें पर अपने माहिराना बचार सांझे करडन। इस कार्यक्रम दा संचालन करडन साढ़े न्यूज़ एन्कर कुणाल श्रीवत्स ते विजय बजाज। इस कार्यक्रमै च तुस मीडियम वेव 303 मीटर यानि 990 किलोहर्टज़, एफएम 100 इशारिया 3 मैगाहर्टज़ ते 104 इशारिया 5 मैगाहर्टज़ पर बी सुनी सकदे ओ।

<><><><><><>

Announcement

क्रिकेट च, भारत ते इंग्लैंड बशकार जारी 5 टेस्ट मैचें आहली एंडरसन-तेंदुलकर प्रतियोगिता दा 5मां ते अखीरला टेस्ट मैच, बड़े रोमांचक मोड़ पर आई पुज्जा ऐ। अज्ज इस मैच दे आखरी

ध्याड़े मेजबान इंग्लैंड गी जित लेई छड़े 35 होर रन्ज चाईदे न जदके भारत गी जित लेई छड़ी 4 विकटां होर हासल करनियां होडन। एहदे शा पैहले कल चौथे ध्याड़े दा खेड् मुक्कने तोहडी इंग्लैंड नै अपनी दुई पारी च 6 विकटें दे नुक्सान पर 3 सौ उनताली रन्ज बनाई लैते। इस श्रृंखला च फिलहाल इंग्लैंड 2-1 कन्नै अगगे ऐ ते जेगर भारत एह मैच जिती लैंदा ऐ तां एह श्रृंखला 2-2 कन्नै बरोबर होई जाहग।

<><><><><><>